

# ANA ITERANIBA AONON TEBETEBEKE

ANA RONGORONGO TE BERETITENTII N TE AONO

## Ti na Manga Kaitibo Riki Ma Ngkami

Iroun Unimwaane F. Michael Watson

Kauoman n Kauntira n te Beretitentii n Aono

**M**wanangara rinanon te Betebike e a roko n tokina; ti arana te Betebike bwa: "Bwaretaiti, Te Onaroka are Eten" ao "Iteran Karawa are Teuana". Manga rinanoan ara tai ni beku i aban marawa, e a tia ni karekea ururingan nooran ao taraakina ae tamaraoa are uki ni katoabong. Aikai a na riki bwa rootinTuun ake a uringaki inanon maiura n Ritembwa.

Kaitibora ma aika Itiaki n te Titeiki ao te Mwakoro inanon Maungatabu ao ai aroia naba Mitinare iaon Mwananga n te Mition a bon kakaawaki ni kauoua ao a kakukurei n reken ara tai n itamwaomwao ni maiuia Nakoanibonga ao Taan Kairiiri ni Bootaki ao n namakina te tangira ao aia koaua kaain te aro. Te reitaki ae kaan anne ma rao aika tangiraki e na tiku bwa kanuringa inanora are e karekea te raunnano ngkekei ao ngkai.

Te mwananga man te aba teuana nakon teuana ao ni kabuta aon Nu-Tiran ao Aotiteria, ti noora aia onimaki aika a Itiaki bwa e kaunganano n tainako. Ti mataku ngke a irii boowi ake a baireaki, n taai aika a mwaiti ma te anganano ae korakora,

n rianna ma buakan kanoan te bong n taromauri ao ni kaboua aia berita aika a tabu. Ti noora te taarena n te anene ae moan te tamaraoa irouwia aika Itiaki ni kabuta Aonon te Betebike.

Bwabiriki Abeeati e anga te taratara, kakabwaia nakoia membwa ao aika tiaki membwa ake a kaeka te kakao, n roko n nooria bwa tera ae e karika ana Ekaretia Iesu Kristo Ibukiia Aika a Itiaki ni Boong Aika Kaitira bwa te aro ae barongaaki raoi man kakaawaki.

Rongorongan te Ekaretia aika booretiaki n ana Ekaretia Tiamoae reitinako n te bong aei ni kabwarabwara ao ni kakorakoraia aika Itiaki ake a riki mai aban Marawa ae rang n tamaraoa aei.

Ti tangiria ni kan anga ara kakaiteau ae onoti nakoia aika a mwaiti ake a mwakuri n Aobitini Aono, Tieweti Tienta, ao ni kabuta aon te Tebetebike. Ti a tia n noora te "Karai ae Koora" are bibiraki ma tamnei aika karewe aikai ake a anga aia beku ni katoabong, ao a tia ni karakaaki riki n aro aika a mwaiti. Bon korakora aika a rang kakaawaki nakon te Beretitentii n te Aono.

N reitaki nakon te Aobiti n



Unimwaane  
F. Michael  
Watson

te Aono, taanga ni mitinare ake kaara a weteaki naba nakon tabeia aika a kakaokoro a riki naba bwa, angan bain te Mition Beretitenti nakoia mitinare ake a beku n taabo aika a raroa. Ibukin aia aoa ao aia tangira ake a tatauraoi n anga, a na bon karekei kaniwangaia mai karawa, "e nakoraoi ami beku ngkami aika ana toro te uea aika raraoi man kakaonimaki."

Unimwane Robert D. Hales, man te Kooram n te Tengaun ma Uoman n Abotoro e kauarerekeea taekan ara onimaki iroun Iesu Kristo ao ni katei reirei are ti boutokai n ana Reirei Kristo:

### Bon Ngaia te Oota

Bon ngaia Ootan Betereem, bungiaki iroun Maria, Tinana iaon te Aba, ao Tamana, Te Atua ae Mwaaka.

Bon ngaia te Oota are e bwabetitoaki ni kateboaki, iroun

Ioane te Tia Bwabetito, are e kaoti iaona te Tamnei ae Raoiroi.

**Bon** ngaia te Oota are e ka kukureia nanon Tamana.

**Bon** ngaia te Oota are atuun te ekaretia ake ngko, barongaaki irouia Abotoro ake Tengaun ma Uoman, Burabeti, ao Itingaun.

**Bon** ngaia te Oota n te Mwakuri ni Kamaiu are e kakoroaki bukina n te Onaroka are i Ketetemwane ao i Korokota, are e uota Iaona buren te aonaaba, bwa aonga aomata ni kabane ni karekea te Kamaiuaki n Aki Toki.

**Bon** ngaia Ootan te ruanimate ae akea kaaina, te Uea e a mangauti, ma mimitongin rabwatana n iriko ao te rii, are e urua ana kabaebae te mate ao e karekea te tokanikai ae akea tokina iaon te ruanimate.

**Bon** ngaia te Oota are e waerake nako Karawa imataia Ana Reirei ma te berita are e na manga oki n aron naba arei.

**Bon** ngaia te Ota are e kaoti ma Tamana ao ni kaokaki, rinanon te Burabeti ae Iotebwia Timiti, te Ekaretia are ti te arona ma are E kateia n Ana tai n tataekina te euangkerio iaon te aba.

**Ngaia** te Ota are e rimoan ao ni kaira te Ekaretia aei ni boong aikai rinanon kaotioti nakon te Burabeti, ana kauntira, ao Abotoro ake Tengaun ma Uoman.

**Ngaia** Ootau, Te Tia Kabooai, Au Tia Kamaiu ao ngkoe naba.

**Beretitenti Thomas S. Monson**, n aroia naake mai imwaina, e a tia ni kaota ana koaua ae namakinaki n te nano inanon taeka aikai:

“Ma nanou ni kabane ao ni korakoran tamneiu, I tabeka bwanaau inanon au koaua n aron ae te tia kakoaua ae onoti ao n taekinna bwa e maiu te Atua. Iesu bon Natina te mwaane, ana Riki Temanna te Karo n te iriko. Ngaia te Tia Kamaiuira, Ngaia ara Tia Roi ma te Tama. Ngaia are e mate iaon te kaibangaki ni kamaiuira man ara bure. E riki bwa te moan uaa n te Mangauti. Ibukina bwa E mate, ni kabane ti na manga maiu. O ai karewera kakukurein te tiententi ae anga: ‘I ataia bwa e maiu au Tia Kamaiu!’ E bia ataia te aonaaba ni kabane ao ni maiuakina te atatai anne.”

**Ngkai** n aia koaua Burabeti, Taan Mamata ao Taan Kaotioti, I tangiria ni karina oin au kakoaua n te koaua mai karawa aikai.

**Ni** mwaitin ririki aika batin au kamatebwai i bon irou ao n au tai n iango ao n tataro, ana berita au Uea ao au Tia Kamaiu e a tia n ataaki rinanon te kamatoa ae onoti ao n te maiu n tamnei.

**Taian** Burabeti n te Otetamanti ao n te Nu Tetamanti e korakora aia koaua ni katuka maiuakinan te bwaintangira

are ngko, are e kateaki ao ni kaungaaia tabeman bwa a na nooria. Ana Ekaretia Iesu Kristo e kaokaki nakoia aika Itiaki ni Boong Aika Kaitira bwa e na riki bwa te oota ao te koaua ae barongaaki raoi, riki bwaninin te euangkerio are e reke rinanon te Kakoaua teuana n ana Tetamanti Iesu Kristo, Ana Boki Moomon. Ana Nakoanibonga te Atua a karekeaki ao a riki bwa te kariaiakaki ni mwakuriaki inanon kabonganakin Arana ae Tabu.

**Te** tai ae akea tokina ni bwaai aika riki ao aia namakin ana Burabeti te Atua ni Boong aika Kaitira ake ti kamatoaia ni kamatoaakin ara koaua. Aio are e kamatoaaki riki n ana boutoka ae akea tokina ao kain-nabana te aine, ana anganano te utu ae tangira ao te onimaki ao n aia tataro aomata aika a tamaroa ni kabuta te aonaaba are e a tia n rang riangi raoi nanora. N riki bwa temanna Ana tia kakoaua ae onoti, I reita au koaua ma taian koaua aika akea tokiiia.

**Ma** te tangira nakoia Raora n aki Toki:

“Tatou toe feiloa’l”  
“Ka tau toki fe’iloaki”  
“Farerei faahou tatou”  
“Nous nous reverrons encore”  
“Eda na qai sota tale”  
“Ti na manga kaitibo rimwi”  
“Jenaaj bar loe eok”  
“Bai mipela lukim u ken” ■

## Te Ekaretia i Kiribati

A kea te rekooti n aia mwa-kuri mitinare, ke kawarakia irouia membwa irouia aika Itiaki ni Boong Aika Kaitira imwaain 1972 ngke e man roko te Ekaretia iaon Kiribati. N te tai anne, Waitea Abiuta, te tia reirei ao te Mataniwi n te reirei ae Auriaria Kokoi Ataria School (A.K.A.S), te kauarinan reirei ae uarereke e bubuti ibukiia naake a bane aia tai man ana reirei

bwa a na nakon te Riaona are e bwaibwai iai te Ekaretia, te Kauarinan n reirei i Tonga.

Te Beretitenti n te Fiji Mition Ebbie L. Davis e roko i Kiribati inanon Tebetembwa 1972, ao e rinea bwa 12 ataein te reirei a na karinaki bwa te kakatai. Tengaun ma uoman riki a manga karinaki araia te ririki are imwiina. N tokin te ririki n 1976, 60 I-Kiribati aika ataein te reirei

a rin n ana Kauarinan te Riaona. Ni kabane ataein te reirei aikai tiaki aika Itiaki ni Boong Aika Kaitira ngke a roko i Tonga; e ngae n anne, mai ibuakoia ni kabane a rin n te Ekaretia. Onoman mai buakoia ataein te reirei a weteaki bwa mitinare n te Fiji Suva Mition, ao a kabaeaki bwa a na beku n oin abaia Kiribati, a roko i Tarawa n 19 n Okitobwa, 1975. Mitinare aika onoman bon Tarate Timea, Abakite Tuneti, Tekaibeti Taratake, Teema

*Te kauarinan  
n reirei are  
e bwainna  
te Ekaretia  
i Kiribati.*





*Beretitenti ao Titita Tune ngaia raoi moan Baeonii n te Ekaretia i Kiribati. Beretitenti Tune bon te moan n Beretitenti n Aonon Tarawa, te moan Beretitenti n te Titeiki, te Burintiboro ngkoa n te Moroni High School, ao ngkai e a mwakuri bwa te Taerekita n te Kiribati Service Center.*

Bentitai, Bename Taawai, ao Taaiti Natanga.

Ibuakoia naake a kaaina te Aro teutana te tai imwiin rokoia mitinare bon Waitea Abuita ao tabeman taan reirei ao ataein te reirei. Waitea Abuita e kamatoaki bwa te beretitenti n te Mwaanga i Tarawa (are e aranaki imwiina bwa te Mwaanga ae Eita), ngke e kateaki n 24 n Tianuare, 1976. Te Ekaretia a kabooa te reirei ao n aranna bwa Moronaai Community School, imwaain

ae e aranaki bwa Moroni High School.

Kiribati e tauaki taekana n te Mwaikuronitia Guam Mition ngke e kateaki n 1 Eberi, 1980. Ana autinibootaki te mwaanga ae Tarawa e tia inanon 1981, ma boowi a karaoaki ikekei ni karkoa Beberuare 1982. Te Mwakoro ae Tarawa e kateaki n Okitobwa 1985, n ikotaki ma Alieu, Abaiang ao ana mwaanga Eita. Ngke e bwenuaua te Mwaikuronitia Guam Mition n 1 Turai 1986, Kiribati e

manga karinaki iaan te Fiji Suva Mition. Rairan ana Boki Moomon a karaoaki n te taetae ni Kiribati n 1988. Mwakuri ni mitinare ao rairakiia aomata e rikirake imwiin anne, ao n te ririki 1993, taan roko n te mwakoro n te mau ngatabu e riaon 1,000. E kateaki te Tarawa Kiribati Titeiki n 11 Aokati 1996, ao Atunibeia Motee bwa te beretitenti.

Te tieminari e waaki i Kiribati, inanon Maati 1997. N 26 n Tianuare 2000, Beretitenti Gordon B. Hinckley, n rokona n aban te Betebeke, e toki i Tarawa. Ibuakoia nake a butimwaea Beretitenti Hinckley bon Kataotika Tekee, Minita ibukin Enuwaromenta ao Karikirakean te Aroaro, are e tei ibukin te beretitenti ni Kiribati. Minita Tekee e kaota ana kakaitau ibukin te Kauarian n Reirei Moronaai ao bwaai n ibuobuoki are e a tia ni karekei Kiribati man te Ekaretia.

N 1 Turai 2006, Kiribati e riki bwa mwakoron aban Mwatiare n te Majuro Mition, are e kateaki man mwakoron te Fiji Mition.

N 2002, mwaitiia kaain te Ekaretia e roko n 10,019. N 2012 e rikirake mwaitiia kaain te aro nakon 15,364. E kaniia 12 te batienti ni mwaitin ana botannaomata Kiribati, a riki ngkai bwa kaain te Ekaretia, n taro mauri inanon titeiki aika uoua, 11 te uoote, ao 16 mwaanga ni kabuta aon Kiribati. ■

# Kakabwaiā man te Tembora

**T**e ririki aei e mwakena ana ka30 n ririki ni kata-buan ana Tembora Tonga, i Nuku'alofa, ao ana ka 10 n ririki te ai are e kamauna te moan tembora i Tiamoa.

Ross Cuff, te membwa n te Nu Tiran Tembora Beretitentii e kauringa te bwai are e a tia n rinanona, are e manga taekina aron kakabwaiakia ni karekean tembora iaon abaia.

E taku, "Ririki aika a nako ao I ira te mare n te tembora, inanon te tai are te mare n te tua e katauaki imwaain te kabaeaki n te tembora e a kona ni karoaki. N te tai aei ao inanon te tai ae uarereke ngke maare n te tua a kona ni karoaki inanon umwantabu a ti karoaki imataroan tembora, n rimwiaki n te tai ae waekoa n te kabaeaki n te tembora. Iruwa ake tiaki kaain te ekaretia n te LDS a kona n ira are karoaki n te tua."

"N te aekaki ni mare aei, imwiin tian te bukamaru n te tua, naake membwa n te Ekaretia ao iai aia rekomente n te Tembora a kaoaki n nako n otinako nakon te angatai, rikaaki nakon te ruu ni kabaeaki, ao naake akea aia rekomente a kairaki nakon te angamaing, ao nako tinanikun te tembora.

"N te bong anne, I rang kakaitau ni karekean ao n tau ibukin karekean te rekomente n te tembora are e kariaiakai 'nakon te angatai'. Au rekomente n te tembora e rangi ni kakaawaki ao e tabu nako, ao bon te bwai ae kabanea ni kakaawaki ni beebwa are N na kawakinna inanon maiu. Ngke I moan nakon te tembora inanon 1964, I tuai man nako n akean au rekomente ae boou taina ao I katabuaki reitinako iaon te kawai aei ni kabane maiu."

N taekinan katean kouru ni kawaran te tembora, Ruby Talataina mai Samoa e taku, "N riki bwa membwa n te Ekaretia, ti a tia n reireinaki bwa ti na

reiakin reirein te euangkerio 'rain iaon te rain' ao 'reirei iaon reirei'. N au kawaniua n ririki, I karoao au berita ae tabu ma Tamau are i Karawa n te bwabetito, ao imwiin anne I kataia ni maiuakini inanon bongin maiu. Tamara are i Karawa e tangiriira bwa ti na kataia n riki bwa aomata aika e karoira bwa ti na rikirake inanona. Ti kona ni karoia man irakin rain iaon te rain. Ni katoai berita aika tabu ake ti karoai ma te Atua, e roko ao e ikoikoti Ana kantninga ibukira. Aio mwakoron ara mwaati ni kaineti nakon te Aro n Atua."

"N ikotaki ma anne, maiuakinan ae tau n rin n te tembora e a tia n riki bwa mwakoron au kantninga are I uaiakinna," e reitinako neiei. "N te tai aei ni maiu ngke e tuai n reke toau, I namakinna bwa I a tauraoi n rin ao ni karoai berita aika a tabu n te tembora ma Tamau are i Karawa. I ataia bwa n te taina ao N na karoai, I kantaningaaki bwa N na karoai riki, ao n tamaroa riki. Bon ngaia naba te mwaneka are I katauraoi n toua n reitia ma katanan rabwatau ao tamneiu man te aonaaba. Au bitiobi e tuangai bwa ngkana I karoao au entaumente, aio are N na karoia bwa a na kaoti naake a tangiraki irou ake n iteran te aonaaba are teuana. Aio are e a korakora nanona riki irou ngkai ibukina bwa tamau e a tia ni mate onoua te namwakaina n nako; ao I nanorinano ao ni kakaitau n ataia bwa e na roko naba ikekei n au tietion n te entaumente, ngkana I toua te mwaneka anne." ■

## Te leka n te Aonaaba

Iroun Catherine Vaughan

**M**an boretian te mwaiati ae 5,000 inanon 1830, Me raka iaon 150 te mirion katooton ana Boki Moomon a tia ngkai n tibwatibwaaki ni kabuta te aonaaba. Ngke e taetae Beretitenti Ezra Taft Benson inanon 1988, "E a kan roko te tai n ieka

iaon te aba n ana Boki Moomon”, e raka riki iaon 100 te mirion booki a tia n booretiaki 25 te ririki n nako. Ni kaitaraan kainnanoana, ao ni kakoroa bukin te kakaewenako n iekan te aonaaba ma koroboki aika a tabu aikai, te Ekaretia e a tia ni boreti ae bon tau ae teuana te boki ni katoa itiua te teekan, n uoua te bwi n ririki n nako.

Ni kabane kanoan ana Boki Moomon a bane n tia n rairaki nakon 82 taian taetae, ma rinerine n te boki aika tauraoi n 25 taetae teuana. N reitaki ma rikiraken mwaitin te rairairi ae tauraoi, rabakau aika boou ni boong aika kaitira e ibuobuoki ni karekea te ieka iaon te aba n ana Boki Moomon, n aro aika kakaokoro. Ae ngkai, e raka riki iaon 740,000 aomata ake a wareki aonraain ni boretian koroboki aika a tabu ni katoa namwakaina.

Te burabeti are Iotebwa Timiti e reireiniia taan kairiiri n te Ekaretia n taai akekei bwa “te aomata e na kaan riki nakon te Atua man irakin ana reirei, nakon booki riki tabeua.”

Iotua Tune man te Moronaai Student Uoote i Tarawa Kiribati Mainiku Titeiki e taku, “Ana Boki Moomon e buokai ni karekea au koaua iroun te Burabeti ae Iotebwa Timiti, ao aron naba te Tia Kamaiu ae Iesu Kristo ao ana Mwakuri ni Kamaiu. E a tia naba ni kakorakoraa au atatai ao au koaua n ataia bwa Ana Ekaretia Iesu Kristo Ibukiia Aika Itiaki ni Boong Aika Kaitira bon ngaia Abanuean te Atua iaon te aba ni boong aikai. Ngke te kairake n ataenimwane ngai, I ikawairake inanon te mweenga ae tamaroa ni boretetanti are te Atua ao te Baibara bon mwa-koron ara utu. I tatangira rongorongan te Baibara ao ana reirei Iesu Kristo ake inanona. E ngae n anne iai tabeua reirei aika a tei bwa titiraki inanon au iango ni kaineti ma reirein te Baibara ao waaki ake I kakaraoi ni kairakeu n te ekaretia, ao I kakoaua n tainako bwa n te bong teuana te Atua e na kaekai titiraki aikai ibukiu. E bon

kaekai te Atua titiraki akanne rinanon ana Boki Moomon, ngke I kaaina te Ekaretia 38 te ririki n nako. Ana Boki Moomon bon ngaia te boki ae tabu ao I ataia bwa e a tia ni buokai ni kaaniai riki nakon te Atua nakon booki riki tabeuan ake I a tia ni wareki, n aron are e berita te Burabeti Iotebwa Timiti” (Moan Kabwarabwara n Ana Boki Moomon).

Inanon taai riki aikai Beretitenti Gordon B. Hinckley e karaoa te berita aei nakoia ana membwa ake a wareka Ana Boki Moomon: “A na roko inanon maium ao inanon mweengami karakaan riki Tamnein te Uea, te bitaki ae kakorakoraaki n nakonako inanon te ongotaeka nakon Ana tua, ao te koaua ae korakora riki ni maiuakinan koauan Natin te Atua.” E reitia imwiina, “Rinanon ririki ni kataaki akekei e a tia ni kataia ni kabwarabwarai. A tia ni kabuakaka. A tia ni kakea bonganganana. Ma e a tia n teimatoa ni karokoa ngkai ibuakon booki nako, ao te bitaki are e karekea e korakora riki nakon taai aika mwaiti n rongo-rongo ni kawai. E reitinako, “Iai ara membwa, iai ara mitinare, ao te aonaaba iai kainnanona. Te tai bon ngkai!”

Makoami Mwea man Eita te kauoua n Uoote i Tarawa Kiribati Titeiki Mainiku e taekinna, “E matoatoa au koaua n Ana Boki Moomon ibukina bwa e buokai n aro aika mwaiti ma au utu ni maiu ni katoabong. Au kibu ae I tatangiria n Ana Boki Moomon bon Aramwa 34:32, ibukina bwa te kibu aei e kauringai n tainako bwa antai Ngai, ao tera bukin maiu ikai iaon Kiribati. Irarikin ana boki Aramwa I tatangira naba ana Boki Enoti. I rangi n riingaki man ana banna ni katoto Enoti, are ngke a bungiaki natira te mwaane, ti kukurei n namakinan te Tamnei, bwa ti na aranna n aran te burabeti ae korakora aei. Warekan ana Boki Moomon ni katoa ingabong n ikotaki ma ami utu e na buokiko n namakina kaaniam riki nakon te Uea, inanon te tangira ao te tamnei.”



*Siosiua ao Adi Iketau Latu ni kamatebwai aana Boki Moomon ma natina.*

Beretitenti Benson e kabwarabwara ana konabwai ana Boki Moomon ni bitii maiura, ao te aonaaba, ngke e kangai, "Iai te mwaaka inanon te boki are e na moana butina inanon maiura n te tai are ti waaki iai ni kamatebwai aana boki n taua ma nanora. Ko na kunei korakora aika mwaaka n kaitarai kariiri. Ko na kunea te mwaaka n totokoi kataaki. Ko na karekea te

mwaaka n tei iaon te kawai ae eti man irariki. A aranaki koroboki aika a tabu bwa 'taekan te maiu' (tara D&C 84:85), ao akea riki ae koaua riki nakon ana Boki Moomon. Ngkana ko moanna ni bwarui taeka akanne, ko na kunea te maiu n te mwaiti ae korakora. Berita aikai—a karikirakea te tangira te rau inanon te mweenga, te kariinerine ae korakora riki imarenaia kaaro ao naati,

e karikirakea te maiu n tamnei ao te tamaroa— aikai berita aika a aki motirawa, ma anne raoi ae e nanonna te Burabeti Iotebwa Timiti ngke e taku bwa Ana Boki Moomon e na kaniira riki nakon te Atua.”

Otomie Kaiea Uakitera man te Betio moan Uoote, n te Tarawa Kiribati Titeiki Maeao, iai ana koaua ae matoatoa n ana Boki Moomon. E taku, “Ana Boki Moomon e a tia n reireinai n ae mwaiti ibukin te tangira, nanorinano, ibuobuoki, rairanano, ikabwarabure ao bwaai riki aika a mwaiti. Te karaki ae I tatangiria n ana Boki Moomon bon rongorongan Enoti ngke e rairaki nakon te Uea, raira nanona man ana bure ao e kabwaraaki ana bure. N Enoti 1:15 e kangai, bwaai ni kabane ake ko bubuti ma te onimaki, ma ni kakoaua bwa a na reke iroum n aran Kristo, ao a na reke nakoim. I ataia bwa iai kanganga inanon maiu ao n te tai are I kaitara iai ma kanganga, I oki rikaaki n tainako nakon Ana Boki Moomon ao ni wareka te kibu aei ao e buokai ni kabebetea nanou. Uoua te ririki n nako, I karekea au tareboon mai iroun mwaaneu i Nu Tiran n taekinna bwa tamau e ienikuriaki nakon te onaoraki i Nu Tiran n ana kanganga ni buroona ae a kakaiaki. A aki koaua raoi bwa e na maiu n te bong anne. Ngkai I raroanako ma au karo ao I aki kona ni mena ikekei n raonna, e kaonaki nanou n te nanokawaki. I nakon au ruu ao I katorobubua n tataro nakon Tamara are i Karawa bwa e na kamaiua tamau. Imwiin au tataro ao I ongo te bwanaa ae maraara ae itiaki ae tuangai bwa N na anaa ana Boki Moomon ao ni kaukia ao ni wareka te kibu are N na kaitibo ma ngaia. I ira ana wirikiriki te Tamnei ao ni kauka ana Boki Moomon n akeea kantaningaakina. Ngke I kaukia te kibu are I kaitibo ma ngaia bon Enoti 1:15. I warekia teniua te tai ni karokoa ae I ota raoi n nanona ao I ataia bwa Tamara are i Karawa e a tia n ongo au tataro ao e kaeka. I namakina te rau inanou. Imwiina

riki n te bong anne e tareboonai mwaaneu ao e taku bwa tamau e a reke buokana ao taokita a tararuuaia. Tao teniua te namwakaina imwiina e motirawa tamau, ma I kukurei bwa Tamau are i Karawa e a tia n ongo au tataro, ao e anganai au tai n taetae ma ngaia n te tai ae mwaiti imwaain ae kitana te maiu aei. I ataia bwa Tamau are i Karawa ao natina Iesu Kristo e tangiriira ao e tau-raoi ibukira n tainako. Ngkana ti nanorinano, rairi nanora ao n tataro ni kabwarai ara bure, ti na kamaiuaki man ara kairua. I ataia bwa ana Boki Moomon e koaua ao I kakaitau ibukin kaainakin te Ekaretia aei. I ataia bwa Tamara are i Karawa ao Natina Iesu Kristo bon ara tia kamaiu ao te tia kabooira.”

Kainnaban Otomie, Ioram Uakitera bon te bitiobi n te Betio moan Uoote. E reitia, “I ataia bwa ana Boki Moomon bon ana kakoaua teuana Iesu Kristo. E uoti kakabwaia aika mwaiti nakon au utu ngkana I wareware raoi ao n irii nanon ana reirei. I kakaitau ibukin ana Boki Moomon, ao I ataia bwa ngkana I reitinako ni wareki ao ni kamatebwaia, ana kakabwaia Karawa e na reitinako ni bwaro nako aou ao au utu. I rang kakaitau ibukin te wewete ae tabu are e a tia n anganai Tamara are i Karawa ngkai e buokai n aro aika mwaiti n riki bwa te aomata ae tamaroa riki, ao n tei iaon te kawai ae eti inanon mwanangau n te maiu aei. I ataia bwa te Ekaretia aei e koaua, ao I kakaitau ibukin kaainakina. I ataia bwa e maiu Tamara are i Karawa, ao Natina Iesu Kristo bon ara Kristo.”

Ngkai a bane n tia burabeti ni Boong aika Kaitira ake imwaina, Beretitenti Thomas S. Monson, e kabwarabwara kakaawakin te boki ni kangai: “Te Uea e uotarake ana Boki Moomon n te tai ae rineakil[bwa] e na karakai tibwakina n tabo aika raroa man rababa,” e taku “Au koaua bwa ana Boki Moomon e na bitii maiuia aomata. Bon ngaia ana Kakoaua teuana Iesu Kristo.” ■